



Na osnovu člana 70. stav (4), a u vezi člana 69. stav (1) tačka b) i stav (2) c) Zakona o javnim nabavkama („Službeni glasnik Bosne i Hercegovine“ broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH br. 50/07, 33/09, 24/13 i 32/14), na preporuku Komisije za javne nabavke od 26.11.2015. godine, Centralna izborna komisija Bosne i Hercegovine je na 62. sjednici održanoj 03.12.2015. godine, d o n i j e l a

ODLUKU o poništenju postupka

(1) Poništava se postupak **javne nabavke usluga izdavanja avio karata za potrebe rada Centralne izborne komisije Bosne i Hercegovine** izvršen primjenom konkurentskog zahtjeva za dostavu ponuda broj: 07-2-16-3-19/15 od 06.11.2015. godine kojim je predviđeno zaključenje okvirnog sporazuma sa više ponuđača (sa najmanje 3 ponuđača).

(2) Obavještenje o poništavanju iz stava (1) dispozitiva ove odluke objaviti na „Portal javnih nabavki“, u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacioni sistem „E-nabavke“ („Službeni glasnik BiH“, broj 90/14 i 53/15).

Obrazloženje

Postupak javne nabavke **usluga izdavanja avio karata za potrebe rada Centralne izborne komisije Bosne i Hercegovine** proveden je putem konkurentskog zahtjeva za dostavu ponuda broj: 07-2-16-3-19/15 od 06.11.2015. godine kojim je predviđeno zaključenje okvirnog sporazuma sa više ponuđača (sa najmanje 3 ponuđača). Obavještenje o nabavci objavljeno je na portalu Javnih nabavki broj: 794-7-2-125-3-27/15 od 06.11.2015. godine i Ispravka broj: 794-7-2-125-8-28/15 od 13.11.2015. godine. Primljene su dvije (2) ponude od strane sljedećih ponuđača: „VIP travelers“, Turistička agencija Sarajevo, Zelenih beretki bb, 71 000 Sarajevo i „Viator“ Turistička agencija Sarajevo, Džemala Bijedića br. 2. 71 000 Sarajevo.

Komisija za javne nabavke imenovana Rješenjem broj: 07-2-16-3-19/15 od 17.09.2015. godine po prijemu dvije ponude konstatovala je u Zapisniku o pregledu i ocjeni ponuda broj: 07-2-16-3-19/15 od 26.11.2015. godine, koji je u prilogu ove odluke, da obzirom da su dostavljene samo dvije ponude iste nisu ni razmatrane, jer je predviđeno zaključenje okvirnog sporazuma sa više ponuđača (sa najmanje 3 ponuđača).

Prema odredbi člana 32. stav (4) Zakona o javnim nabavkama propisano je da se okvirni sporazum zaključuje s više ponuđača za isti predmet nabavke, te broj ponuđača s kojima se zaključuje okvirni sporazum ne može biti manji od tri, pod uslovom da postoji dovoljan broj ponuđača. Okvirni sporazum može se zaključiti i s dva ponuđača u slučaju ponavljanja postupka zbog nedovoljnog broja primljenih ponuda. Imajući u vidu navedenu odredbu Zakona i činjenicu da su zaprimljene samo dvije ponude u postupku Komisija za javne nabavke predlaže Centralnoj izbornoj komisiji Bosne i Hercegovine donošenje odluke o poništenju ovog postupka u smislu člana 69. stav (1) tačka b) i stav (2) tačka c) Zakona o javnim nabavkama.

Uzimajući u obzir navedeno, odlučeno je kao u dispozitivu ove odluke.


Pouka o pravnom lijeku

Žalba se izjavljuje Centralnoj izbornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od pet (5) dana od dana prijema ove odluke.

Broj: 07-2-16-3-19/15
Sarajevo, 03.12.2015. godine

Dostavljeno:

1. Ponuđačima
2. Odsjeku za materijalno finansijske poslove
3. Na internet stranicu CIK BiH www.izbori.ba
4. A/a



Predsjednik
Dr. Ahmet Šantić